

富順縣志卷之六

學校

學宮

書院

試院

學堂

學宮

至聖先師廟

廟地廟號廟制均詳廟壇類

孔子歷代崇封不一至明嘉靖九年釐正祀典改稱至聖

先師孔子去塑像設木主

通志學校類引朱子云宣聖本不當設像春秋止設主祭可也

罷封爵改大成殿為先師廟大成門為廟門清順治二年

定稱大成至聖文宣先師孔子十四年改稱至聖先師孔

子通行直省各學

關里志

富順縣志

卷之六

學校

明倫堂在大成殿後

段志

嘉慶九年改為崇聖祠另建明倫

堂于聖廟左前為奎星閣左為教諭署後為訓導署

黃志

諭署在明倫堂左

段志

嘉慶時改建

據黃志見上

道光十六年改

修

據呂志

臥碑在明倫堂內左方

清順治九年刊置學校考均載洪武十五年鑄臥碑

明史選舉志

置明倫堂左方則臥碑明代已有

雁塔在明倫堂前宋乾道元年知監史仝建教授李峴撰

記今續雁塔明正統中知縣李真教諭李皓景泰中教諭

王綸正德中教諭董璧俱重立

黃志云嘉慶七年署縣曾自柏教諭宋傑移至大成

殿側

題名榜在明倫堂兩壁左科第右歲貢

黃志云歷代科名仕宦忠孝節義匾

嘉慶十七年教諭杜禮訓導杜源琳奉學院趙佩湘文錄成八匾懸明倫堂左右壁

博文齋約禮齋俱在明倫堂左右今廢

會饌廳

即尚書周洪謨記所稱予惟學制講道有堂肄業有齋會膳有房之會膳房明天順三年知縣孫瑀

加修見所作記文周孫二記并載廟壇類

泮池在櫺星門內

瀘州進士曾璵有泮池頌載廟壇類

射圃在文廟東今廢

鯉門在明倫堂左學署之前今廢

富順縣志

卷之六 學校

二

奎星樓今廢

育才坊叢桂坊俱成化末年知縣梁文建今廢

節錄明四川巡撫曾省吾儒學題名記

太祖高皇帝御極之明年

他務不遑首召天下立學而命之官若曰官以教為名務先聖賢格言是訓育成才以為任用需業若教者或卑卑焉自視猶不謂重此何以云也夫古之人有四門博士而望隆山斗者矣有教授蘇湖而學明體用者矣不亦存乎人哉且委吏乘田孔子固嘗為之然必曰會計當牛羊茁壯長矧夫賢才所隸而國家之理亂關焉者乎韓君彥清之董教事也方志聖賢之學為余提調助而殷君陟張君文煥亦能相與以有成一日詣余請曰官是學者多矣獨稱職若鮑公應朱公導者幸有志存焉餘皆湮沒而無聞後之人雖欲究其得失將安所指與今考自國初以迄茲者若干人願一以記之鐫諸石余曰可哉

亦嘗教于斯余烏得而辭諸于是徵古之所以為教與設官之意告之俾顧名而允蹈其實 省吾曾官富順此記即任知縣時 作故云為余提調助

### 清康熙二十一年知縣錢紹隆修大成殿明倫堂

#### 尙書徐乾學記

康熙壬戌之夏鹽官錢子仲扶之命富順也再閱歲矣以重修學宮告竣

不遠萬里寓書京邸乞余文為記余曰吁錢子其思繼文翁而起者乎健為之民其鄒魯乎昔者嘗讀漢書居攝之際中外頌莽功德四萬餘人其時超然高蹈者惟梅福逢萌而已而公孫子陽之據蜀若閬中譙鉉梓潼李業樊道任永等皆皞然不滓或之死而不顧是何海內之無人而巴蜀之多士也高祖慢士尙能而天下應之以功名後之以節義文翁之治蜀興起學校力行教化而蜀人亦以鄒魯自居也今錢子不以其地為巖險而鄙夷之而且沐浴以詩書之澤焉江陽之民其庶幾乎雖然蜀自羅張獻忠屠刈

### 富順縣志

### 卷之六 學校

以來數千里內城郭無煙荆棘之所叢狐狸豺虎之所游富順之學宮其鞠為茂草者蓋數十年矣自順治十六年底定尹茲土者數更而未遑建立乃不十餘年而吳逆之變又作錢子之捧檄而西也其地尙為賊據督撫假之羸卒百餘鼓而前始復版焉遺民數十家而已錢子披榛莽撫創痍招流散重以兵馬之往來兩年間方噢咻供應之不暇而獨能急所先務如此可嘉也孟子不云乎菽粟如水火而民焉有不仁者乎文翁治蜀于既庶且富之後其化之也猶易錢子保斯土于鋒鏑之餘而欲以絃歌之治治之豈不難哉夫鑿江溉田李冰之治也吏不至門薛逢之政也五稔興謠教民醫藥廉叔度周湛之績也皆古之善治蜀者吾聞江陽之境雖羣山四繞而其土厚以沃中江環之水利可興其士靜其民樸而少訟錢子將以文翁之化化之是必先合李冰諸人之治以治之可知也越明歲余且引領以聽富順令之報政焉於其請也書以貽之

節錄知縣錢紹隆記

考蜀郡在秦時始置當漢景之末其地猶然僻陋自文翁為守

修起學宮蜀地學京師比齊魯焉是蜀在三代之時無學而蜀之有學蓋自文翁始也武帝建元六年益開犍為郡縣十二首焚道次江陽富順故江陽治也邑自漢以後為州為監名既數更學之興廢不一觀舊志所載自晉唐迄明其人隱顯殊途皆有所傳以表見于當世至明末羅張寇之害幾無唯類士之遠徙獲全者僅數十人而已豈運丁其劫數已定而不可復挽與抑降之自天人事有以致之而然與夫天道甚遠而人定可以勝天則所以正人心而端學術者顧可一日不講與學宮自甲申之亂傾圮無存隆之捧檄而來也時以糗糧芻蕘之供未遑建立經始于壬戌之歲歷今年次第落成余嘗考學之廢興關於世之隆替昔周衰學廢生徒分散朋友不復羣居詩是以有子衿之刺漢安薄於文藝博士不講而學舍鞠為園蔬今國家值戡戈棄矢之後天子誕敷文教思返澆漓浮薄之習以進于敦龐淳固之初天下之士亦既靡然向風矣士幸生其世惟勉思學校之所以為教者以修倫紀以勵廉隅浸淫乎禮義之途沐浴乎詩書之澤而不徒事乎佔畢以邀榮於當世則人事修而天變自弭異日賢豪蔚起當必有卓然樹立者庶無負國家建學之旨而于古來教育人材之意有合也是則隆之所厚望也夫

富順縣志

卷之六

學校

四

乾隆四十一年知縣段玉裁教諭江文旻修蓋明倫堂增

置房舍三間

教諭江文旻記

富順為古江陽縣地環山帶水文廟壯麗明倫堂高廠但廟中丹墀荒蕪

明倫堂牆垣未築兼少二門書役無辦事處僦居于外乙未春典教于斯即謀修補因歲試未遑籌辦是年冬適段侯再署斯土晤語及此即慨然發公項倡修紳士絡繹捐助廟中丹墀盡為補石戟門兩廡從新葺蓋啟聖宮明倫堂以次修正別構書房三間偏廈一間牆壁溝渠什物等項一併整理段侯董率告

竣文是聿觀厥成  
志之以垂不朽云

頒發書籍 清上諭一部 十本 詩經一部 二十本 書經一部

四本 性理一部 五本 學政全書 一本 春秋一部 二十本 新頒

學政全書一部 八本 訓飭士子文 一本 明史通鑑綱目一

部 四本 明史一部 一百零五本 朱子全書一部 東漢書一部

今皆 佚

額設復設教諭一員訓導一員吏一名

學額 原額八名康熙年間廣生汪琳請增四名共十二

名武學同額設廩生二十名增生二十名二年一貢十二

### 富順縣志

### 卷之六

學校

五

年選拔一人咸豐初年以後連年助餉 四川津貼始咸豐

三月 上諭他書亦 因津貼永廣文武學額各十名 咸豐七

有作咸豐四年者 糧津貼軍餉照萬兩一名之例加富順定額三名八年一

名十年一名十一年一名同治三年一名四年一名五年一

一名六年一名均永遠定額見大清會典事例禮部後以

永額不得過十名更為銀若干暫廣額數一次至光緒五

年已卯并暫廣亦停津捐銀數統歸鄉試中額計算三十

萬兩暫廣一名以舉額暫廣銀數推之未停以前當係銀

三萬兩暫廣 撥府歲考三名科考四名國有慶典暫廣不

為例富順照中學例加取五名歲科兩次分進

清制府學始照大學

例凡有恩詔均大學加取七名中學五名小學三名惟乾

隆十六年至六十年內恩廣係大學加取五名中學四名

小學三名

富榮商學

榮縣鹽附考富

商

咸豐八年以歷年加徵鹽釐照津貼

增廣學額案特設商學

經總督王慶雲奏請

文學四名武學二名廩

生五名增生五名五年一貢十二年選拔一人

考課 凡入學生員各治一經教官月有課季有考別其

等差冊報學政 大清會典禮部

釋菜 月朔釋菜

禮記文王世子釋菜孔疏云惟釋蘋藻而已無牲牢幣帛

直省府州

縣教授教諭等官分班行禮與太學同其日夙興陳菜

芹用

見皇朝通考學校

棗栗尊爵質明朝服諸生吉服北面立諸生以

齒序列後行三跪九叩禮三上香酌酒實爵獻爵以次詣

富順縣志

卷之六

學校

六

四配分獻二人詣十二哲兩廡儀同率諸生三跪九叩禮

畢退望日上香儀畧同釋菜

大清通禮

職官到任謁廟 直省官到任諏吉詣廟行香先一日備

祭品香燭教官傳集襄事諸生質明本官率屬咸朝服詣

先師暨四配前三上香三獻爵其十二哲兩廡遣教官恭

代行禮

湖南通志載此以為釋菜禮

學政按試謁廟 學政按臨次日祇謁先師官吏師生禮

生止于櫺星門伺候行禮

謂三跪九叩

畢升明倫堂講書生員

出班一揖西嚮立講畢以次下堂行賞罰退

學政全書

新生謁廟 直省督學歲科試畢示期率新進各生詣廟

後多委提調代行 至日新生各公服詣廟候學院至行禮學院朝

服立墀下北面新生在後行三跪九叩禮畢學院退位執

事教官率諸生詣臥碑前跪讀教條讀畢三叩禮成諸生

各歸其邑 台川縣志典禮載清制

送學謁廟 督學歲科試取進文武新生紅案發到府州

縣官送學肄業行送學禮前期擇日傳集新生至日府州

縣官於大堂與諸生簪掛花紅諸生行庭參禮本官拱立

答禮稟拜見免由中門鼓樂導出府州縣官率領諸生謁

### 富順縣志

### 卷之六 學校

七

廟行三跪九叩禮畢詣明倫堂與學官交拜行兩禮畢新

生次見學官行四拜禮學官立受兩拜陪受兩拜 敘州府志典禮

門錄學署舊冊

釋奠 每歲春秋仲月上丁日直省府州縣各行釋奠于

先師以地方正印官主祭陳設禮儀均與國子監丁祭同

學政全書順治元年

案釋奠與祭享有無區別頗為議禮者所推求古有

學無廟四時祭先師曰釋奠士初入學祭先師曰釋

菜皆於學魯哀公誅孔子為立廟舊宅此有廟之始

漢高帝過魯以太牢祠孔子諸侯卿相至常先謁然

後從政四川通志遵義府志引此均沿作詔諸侯王

辨譌据史文斥為杜撰茲從此祀孔用太牢之始亦

後世到官先謁廟之始然特祀於關里于學無與于

釋奠亦無與也文翁為蜀郡守修起學官武帝時乃

令天下郡國皆立學校此設學之始文翁禮殿雖似

為廟祀先聲然與廟固判為二也明帝永平二年詔

學校皆祀周公孔子漢書平帝紀云元始三年立學

官郡國曰學縣道邑侯國曰校已不似武帝朝止于郡國此學校祀孔之始然猶

富順縣志

卷之六

學校

八

未稱釋奠也魏正始二年五年七年均令太常釋奠

釋奠以太牢祀孔子于辟雍以顏淵配釋奠于太學

始此晉武帝泰始三年詔太學及魯國四時以三牲

祀釋奠于中堂南宋元嘉二十年太子釋奠舞六佾

設軒縣之樂北齊天保間制春秋二仲釋奠于先聖

先師此皆以釋奠為文者然猶專屬之都城太學也

隋文帝開皇初制國學四仲月州縣學春秋仲月上

丁釋奠州縣春秋仲唐太宗貞觀四年詔州縣學皆

作孔子廟州縣廟與學合始此先是高祖武四時致

州縣廟與學合始

此先是高祖武

四時致



祭以左邱明等二十二人配

徧祠天下郡邑學以先儒配始此

詔皇

太子釋奠于先聖先師

遣官釋奠州縣守令主祭始此

則廣于天下

矣元宗開元七年詔春秋釋奠用牲牢

謂國學及諸州屬縣

用酒脯宋真宗大中祥符二年詔太常禮院定州縣

釋奠禮器數三年令崇文館雕印釋奠儀注及祭器

圖

四川通志遵義府志均沿引作天禧元年闕里頒考辨譌据宋史紀志糾之茲從闕里考本宋史頒

行諸路元世祖至元十年詔春秋二丁釋奠執事官

員各公服如其品陪位諸儒襴帶唐巾行禮明太祖

十四年文廟成遂視學頒釋奠儀清定制視有明一

富順縣志

卷之六

學校

九

代無甚異同光緒末年升大祀清單亦仍稱釋奠近

日祀孔典禮說始微有異詞但對於各州縣之釋奠

謂其禮不當則前人已言唐劉禹錫奏記稱凡

學官釋奠于先師止辟雍頴宮非及天下今州縣咸

以春秋上丁有事孔子廟其禮不應古甚非孔子意

漢初羣臣起屠販故孝惠高后間置原廟于郡國逮

元帝時韋玄成遂議罷之夫子孫尚不敢違禮饗祖

况後學師先聖道而欲違之請下禮官博士議禹錫

之言誠不為無見然禮記文王世子所列釋奠鄭注

及孔疏皆謂有天子諸侯之分古者天子辟雍諸侯  
頤宮而公侯之封不過百里其地尙不及今一州縣  
之大以今州縣當古侯國似尙有餘旣廣土眾民教  
化所關何可無倡導之地以財力論今日定制支用  
尙不甚奢旣不至如禹錫所言釋奠歲費動至不貲  
則撥祭不欲數必罷州縣釋奠之文似亦過泥謂其  
名不當誠亦有之但禮之失其初意者多矣今制祭  
獻之時學校官司無不在列又執事贊禮皆以諸生  
行之諸侯旣可釋奠則州牧縣令雖非禮樂詩書之

富順縣志

卷之六

學校

十

官揆之古人禮意似亦不大違反謂釋奠所以行禮  
非以報功釋奠禮薄丁祭禮隆不當以之相混則今  
日除丁祭外遂無可當釋奠者告朔餼羊并其名而  
亡之似亦可惜且六朝時議釋奠禮范甯已欲依周  
公之樂用王者儀范宣謂當其爲師則不臣之釋奠  
日宜備帝王禮樂則古人已有欲加隆者而開元中  
釋奠遂用宮縣似卽藉以崇德報功亦無不可禮記  
天子視學命有司行事祭先師先聖鄭注云不親祭  
者視學觀禮非爲彼報疏申之云觀有司行禮非爲

學士報先師先聖也。据此則古者天子釋奠原有崇報之義。故續通考學校篇載明禮部議覆王恕奏釋奠禮曰：禮記凡學春官釋奠于其先師。注云：釋奠者，但奠置所祭之物，無食飲酬酢等事。以其行禮非報功也。又云：凡始立學者，必釋奠於先聖先師及行事。必以幣。注：諸侯初受封立學，行釋奠之事，必以奠幣。爲禮釋奠，釋菜皆祭之略。故以行禮而行釋奠，則無幣。差厚於釋菜。卽今天子視學所行是也。以報功而行釋奠，則有幣。卽今二丁所行是也。要而言之，唐以

前廟與學分。唐以後廟與學合。自闕里外皆廟。因學起。非學以廟設。故雖名實久違。而富順學署在明時尙有博文齋。約禮齋。會饌廳之建築。周洪謨富順學宮記亦云：予惟學制講道有堂。肄業有齋。會膳有房。游乎此者。晨夕密邇。宮牆之下。恍然如親炙于杏壇之上。大清會典禮部學校類明載：凡學校之制。京師立國子監。曰太學。直省府州縣各於所治立學。皆祀先師。以崇矩範。闢黌舍以聚生徒。原未嘗離學獨立。不過末流遷變積久而寢失其初。遂至廟殿巍然而

學幾無所附麗茲於建置典禮一以近於崇報者屬

諸廟近於教育者屬諸學蓋第以名論則古之釋奠

有施於山川施於廟社者見文獻通考學校案通考所引周禮原文作舍奠其

引作釋奠蓋以陸德明音義舍音釋不但學也釋菜

鄭注周禮大胥舍菜舍即釋也之故先師而士婚禮婦見舅姑贊棗栗服修若沒而廟見則奠菜亦此類即以學論文王世

子疏云凡釋奠有六始立學釋奠一也四時釋奠有

四通前五也王制師還釋奠於學六也釋菜有三春

入學釋菜見周禮並月令一也此釁器釋菜二也學記皮弁

祭菜三也竊謂疏於釋奠尚遺其一天子視學下文

# 富順縣志

## 卷之六

學校

三

適東序釋奠於先老疏云天子親自釋奠于先世之

老是釋奠有七矣惟釋奠之稱雖歧其在學者終以

始立學釋奠四時釋奠為正義餘則以就學宮行事

告祭之故遂沿用其名而清制如校官上香學政按

臨謁廟直省職官到任謁廟新生謁廟送學二丁釋

奠各節或為時太數校官上香是或於禮不備學政按部

無菜果諸儀是或禮雖加隆而又未必得古人之意適通變

之宜按之禮經牴牾參差無從脗合今欲存餽羊遺

意以俟禮樂復興故次上香諸制而以釋奠終焉

節錄宋歐陽修襄州穀城縣夫子廟記

釋奠釋菜祭之畧者也古

者士之見師以菜為贄故始入學者必釋菜以禮其先師其學官四時之祭乃皆釋奠釋奠有樂無尸而釋菜無樂則又其畧也故其禮亡焉而今釋奠幸存然亦無樂又不徧舉於四時獨春秋行事而已自孔子沒後之學者莫不宗焉故天下皆尊為先聖而後世無以易隋唐之際天下州縣皆立學置學官生員而釋奠之禮遂以著令其後州縣學廢而釋奠之禮吏以其著令故得不廢學廢矣無所從祭則皆廟而祭之荀卿子曰仲尼聖人之不得勢者也然使其得勢則為堯舜矣不幸無時而沒特以學者之故享弟子春秋之禮而後之人不推所謂釋奠者徒見官為立祠而州縣莫不祭之則以為夫子之尊由此為盛甚者乃謂生雖不得位而沒有所享以為夫子榮謂有德之報雖堯舜莫若何其謬論者與祭之禮以迎尸酌鬯為盛釋奠薦饌直奠而已故曰祭之畧者其事有樂舞授器之禮今又廢則於其畧者又不備焉

富順縣志

卷之六

學校

十三

節錄文獻通考

案古者入學則釋奠于先聖先師明聖賢當祠之于學也自唐以來州縣

莫不有學則凡學莫不有先聖之廟矣然考前賢文集如柳子厚柳州文宣王廟碑與歐公此記及劉公是新息縣鹽城縣夫子廟記皆言廟而不及學蓋衰亂之後荒陋之邦往往庠序頽圯教養廢弛而文廟獨存長吏之有識者以興學立教其事重而費鉅故姑葺文廟俾不廢夫子之祠所謂猶賢乎已然聖賢在天之靈固非如二氏與典祀百神之以驚動禍福炫耀愚俗為神而欲崇大其祠宇也廟祀雖設而學校不修果何益哉

書院

古者教士于學然所謂師與弟子者既束于令甲則員額有定固不能徧及矣又以官兼師月課季考之

程積之久而或無其實救時者始以書院補之

唐元和和中

李寬建石鼓書院宋初賜以額為書院得名之始

自宋有四書院而生徒之

盛與造就之宏遂非學官所及然率課以帖括應試

之文但由學官而移之書院亦學制之一變已

柳溝書院 在縣東北六十餘里

通志作九十里

宋李文淵建後

廢

西湖書院

在縣署西百餘步臨湖舊有宋李見讀易洞

明嘉靖四年知縣周夔於洞前建立書院中為景賢堂後

為凌波樓兩傍為講堂洞上有滴露亭六年縣丞侯秩增

富順縣志

卷之六

學校

十四

修有記邑人胡璧有詩清康熙末知縣劉上駟增修有記

後廢

江陽書院

在縣署北城隍廟左滿乾隆二十六年知縣

熊葵向因西湖書院地形卑溼夏秋雨積諸生多致病疾

改遷於此捐俸倡修建頭門三間講堂五間抱廳五間後

堂五間東西廂房二間自為記易名景陽書院三十一年

知縣官德重修易名江陽書院四十一年知縣段玉裁增

修學舍改題學易書院而繫之曰宋時薛李二先生皆深

易學故顏之以為來者楷式五十六年知縣潘邦和補修

仍名江陽書院自爲記嘉慶十六年知縣張利貞捐修頭門並補葺講堂書舍訓導杜源琳有記道光十年敘州府知府張日晷以書院屋宇頽敝諭縣改建親題楹聯以勗多士二十八年知縣姚寶銘捐銀七百兩同治八年知縣杜受廉又捐銀三百兩均生息爲院生官課膏火光緒七年知縣陳錫鬯撥前令吳鼎立發當商生息本利錢一千串十年又自捐錢一千串均生息爲院生堂課膏火又添購書籍並張世芳王萬震等捐置書籍若干卷以備蒐覽造士之方於是爲盛三十一年改辦官立高等小學堂

雷順縣志

卷之六

學校

十五

炳文書院 在白流井三里清嘉慶十七年邑紳王循禮等將東新寺改建名東新書院范儒相等捐置田房以資經費二十年知縣張利貞捐銀一百兩邑紳朱近光等捐銀八百兩有奇每年生息除另設小學一所脩金外餘贏撥作書院膏火光緒十五年改名炳文書院三十年改辦公立高等小學堂

板橋書院 在板橋壩清嘉慶十七年甘文鳳等興學校會後改名書院置學田四處載糧一兩六錢四分二釐經費條規縣立有案光緒三十年改辦公立兩等學堂

三台書院 在自流井清同治年間井紳王余照等捐貲并籌款創設延聘名宿一時人文稱盛後廢

文昌書院 在趙化鎮清光緒元年邑紳廖正華蕭世楷等將原有培文會款添籌勸募許鳳儀捐田業一契謝裕清捐器具供用就文昌宮改建歲收租一百四十餘石并有斗稱入款三十年改辦公立高等小學堂

奎文書院 在雙市鋪清同治年間趙世超等募建典史陳毓松捐每年市租以資膏火嗣因款絀廢止光緒二十九年改辦初等小學堂

富順縣志

卷之六

學校

六

慶恩書院 在長灘壩清光緒十九年歲貢張世霖及子歲貢其勳等集款創建三十一年改辦公立高等小學堂社學六所 均明嘉靖初知縣周夔建後廢

養正義學 在義和鎮文昌宮清乾嘉間薛昆等會文於此咸豐八年歲貢歐陽維馨廩生張作霖等復請以斗租添作膏火

泰興義學 在下西泰興寺清監生屈德山等募建置學田二契廩生呂錫朋有碑序

德造義學 在縣北一百里清嘉慶五年貢生劉元明建



小學十所 每所脩金四十串款由縣城文昌宮指撥蒙  
師由知縣考取清光緒二十六年學政吳慶坻通飭各屬  
加脩整頓藉培寒峻增每所爲六十緡所增之款由學田  
局撥給

### 試院

縣舊無試院嘗試士於奪錦洲

段志奪錦洲在城小東門雒水中明時校

士于此載

山川類

清康熙中知縣錢紹隆早春試士詩詩七律一

首載段志

有幾人彩筆映江波之句其明證也宣宗

初年試院始建其堅緻壯闊幾爲蜀南冠例以敘郡

## 富順縣志

### 卷之六

學校

七

試院成都督學試院殆不啻邾莒之于晉楚也光緒  
三十二年擬改建中學堂款絀而止自是工作代興  
迭成迭毀向之巋然秩然者遂一變而渺不可復後  
之君子念物力艱難而時其補葺以存十一于往昔  
試院之幸尤闔邑之幸也夫

試院 在縣署下街西清道光七年知縣宋廷楨以歲科  
兩考應試人眾督士紳募建二堂五間左右廂房各三間  
騎馬廳三間大堂五間抱廳五間花廳五間廚房五間東  
西文場共三十四間儀門五間頭門五間書辦房三間頭

門外走廊共四十間鼓樂樓二座照牆一座左右柵門二所四周圍以磚牆

邑進士朱偓記

富順川南奧區也在宋為監在元為州非特丁糧財賦之饒裕而已其山

川秀氣鍾于人者歷代稱盛焉若宋薛翁授易學于袁道潔李見隱神龜山著易樞尚矣前明晏振之少游太學為祭酒胡儼所重得入內閣讀書旋登第巡按兩畿所至有聲著述尤富與湯允勣劉溥等號景泰十才子熊叔仁學行為當時冠冕與成都楊升菴內江趙文肅南充任少海為西蜀四大家又與趙景仁唐荆川等號嘉靖八才子萬曆丙戌戊子之間每科獲雋多至十七八人捷南宮者五十六人前後得省元者九人左明善以貧廢學年二十九始讀書人咸嗤之未幾登第文律精練歷官知府故人患不自立耳天下豈有不可成之事哉諺有之曰富順多才子聲稱至今未歇而科目遠不及古豈文運之興衰有

富順縣志

卷之六

學校

六

時抑所以成就之者尙有待與我國家稽古右文造士之方無所不至邑之應童子試者歲不下二千人而試院未建殊為闕典邑侯宋金甫先生粵東進士也歲甲申來涖江陽下車之日余卽以建修試院請邑侯難之越明年奉上憲檄添義學邦人士咸樂捐輸且日試院屢議未修願並舉而速成之侯曰善於是相地平基鳩工庇材不數月而輪奐巍然中為大堂兩廂為考棚列坐號二千二百有奇前為重門後為二堂右為書房左為廚房周圍繚以磚牆外設照壁其旁設迴廊生童集候可庇風雨靡不堅緻其費銀一萬四千三百有零事集而人不勞觀者咸以為稱異時歲科校士及考月課諸生彙筆而來隨牌而進認號而坐據案而哦抽軋軋之文思動栩栩之逸興揮彩毫之鳳藻聽食葉之蠶聲由此而府而院制愈密而取愈嚴體愈尊而品愈貴人地會其時風雲際其盛多士之奮興繼起者又安知不突過前賢也當事屬記於余愧不能文謹書此以為多士勗樂輸諸君子例得書名碑陰

學堂

科舉為昔賢詬病久矣光緒三十一年俞諸疆臣請毅然以罷科設學詔海內帖括之士咸斷斷不已君子陋焉夫國有大利而顧以己所未習非之時有古今而動以目所未見疑之何其固也且學之在中國尚已乃後行之十數年而成效卒未大著承風者且寢失初意迹其流弊駸駸乎崇甯之覆轍矣豈宜於古宜於外而不宜於今日之中與抑數之所在不可以人力爭與泰西開國未二千年而庠序學校之規

富順縣志

卷之六

學校

九

中國在春秋時已為陳迹

觀列國人材不由學校升擢孔子聚徒設教又不受

成于官足見學堂之制列國時已不適用况出列國至今又二千餘載乎已往者不可復

則中之與外固未可緼矣蘇文忠貢舉議謂國家取士之方不過如此雖未可云探本之論而有治人無治法有關雎麟趾之意然後可言周官之法度非其人三代之學校且未必可復况又以倭制行之歐化易之哉

官立中學一堂

清光緒二十九年知縣陳錫密奉文委

紳陳慶文郭昌瀚等於城北三里十字嶺創修三十年開

辦稟設中學未准三十二年始升中學

王氏自立中學一堂 清光緒三十三年王三畏堂就板

倉壩王氏祠創辦後廢

立高等小學一堂 清光緒三十一年知縣徐樾就江

陽書院改設

官立初小模範學一堂 清光緒三十四年知縣王棧奉

文就縣署北川主廟側會緣閣改建

官立初小學一堂 初名蒙學清光緒三十年設于江陽

書院嗣改初小移倉聖廟後廢

富順縣志

卷之六

學校

三

官立半日學堂 清光緒三十四年就勸學所附設後廢

官立簡易師範學堂 清宣統二年就勸學所創辦後廢

官立初等實業學堂 清宣統三年就城外中巖寺創辦

旋因國變廢

官立初小女學堂 清宣統元年就晏熊祠創辦今移武廟又移

官立初小學舍

城鄉公立高小初小及兩等學校共一百六十一堂

學生四千零八十六人 經費二萬七千九百七十三圓

辛亥國變勸學所文冊全失茲從省公署學務行政報告書比較表錄僅得總數辛酉訪冊查稱縣屬學校共百五

所十餘

富順縣志

卷之六

學校

三